

十有六

鄭氏正德年間人名玉蘭縣丞鄭廷獻女鄉民
鄧民茂妻也氏歸鄧連遭翁姑喪家甚貧乃
藉女績以襄事年二十七夫遘疾蚤亡父母
欲奪其志氏以死自誓朝夕哭泣竟以傷目
七十二歲而終

倪氏欽州所旗軍倪聰長女年一十有二許婚
振民坊李齡長子時芳未娶而亡女誓從一
聞議婚者輒絕穀泣如是者數四父母備解

之女曰吾命也願勿奪吾志卒從之閨閭嚴肅雖近鄰莫覩其面及二親喪舅志剛歿倚姪馮氏同冰蘖行年七十有五御史汪信臣以其節聞奉俞旨旌之曰貞女而豎之坊

呂氏欽州人年十六適千戶胡奇勲事繼姑以孝聞子妾之子不啻已出有樛木風夫卒年二十有六痛哭幾絕姑慰之氣少平衰經三年如一日外家吉凶事俱不往來有婢外通覺割耳逐之遠去子宗淮嗣襲亦夭死呂慟

不已因得痺疾聞有議舉其節者卽泣託致
曰此吾本分事幸勿過舉惟少俟吾姑得盡
天年吾事畢矣及姑死踰年亦死年六十八
姑年九十八

荀氏郡人翁大經貳室未笄歸翁事嫡甚謹嫡
卒專內政禮嫡之戚屬有加翁卒服除剪髮
以拒委禽殯翁有日矣氏誓從地下家人難
之謀遷氏別業詢婢得其故號泣哀毀數日
而卒

廣州府志 卷之十
國朝

范氏儒士龐玉振妻也范年二十振亡遺腹三
月後生子名萬臣孤苦零丁外戚勸其改嫁
者氏卽面斥之康熙二十五年行取令楊昶
給扁旌異顏曰邁荻凌霜康熙四十三年氏
年五旬完節合邑公額巡撫都察院彭鵬具
題奉

旨建坊表其門

蒙氏何廣珍妻靈山舊州墟人性端嚴不苟笑

語墟中有惡少矮梁欲污之挾刃入室求歡
氏大呼力拒遂刺殺之知縣李晉緝獲審實

上其事

奉

旨建貞烈坊以旌氏并正矮梁於典刑時康熙
四十七年也

李氏名瓊娘幼許合浦孔百戶子孔宗周未娶
而周卒堅志不嫁瓊娘失怙恃依兄生員李
華白避海寇合家覆舟惟瓊娘泛流不沒人

以爲節義所感康熙二十六年紳士公呈郡
守詳請建坊奉巡撫朱公諱弘祚批示年已
踰五旬不便題請命有司給扁旌獎焉

林氏合浦武庠莫世傑妻也康熙丙辰傑欲爲
僞弁林止之不聽苦節終身夫以匹婦能知
大義與秦末陳嬰之母同出一見

郝氏郝熙女原許字合浦儒士黃朝熙有遊擊
王繼學子王韜聞郝氏姿遣卒持聘擲其家
適熙迎親韜亦強娶郝遂自縊聞者莫不憐之

陳氏合浦陳允惠四女也年十七適靈山李鉉
璋陳方十九璋卒遂矢志栢舟事舅監生李
崇繼姑阮氏克盡婦道遺孤長之楨甫二齡
次之棟僅數月陳撫之俱成立楨食餼郡庠
棟食餼邑庠稱未亡人者三十載康熙六十
年陳年四十有八適徐郡伯纂修郡志檄
採隱德靈邑紳士請載入志俟五旬完節再
舉報云

陳氏合浦察龍村故民郭鍾瑤妻也二八賦桃

天念九撤琴瑟善事大耄舅姑訓育襁裸幼
子年已五旬有二黨里舉報陳堅辭謝人益

重之

京觀墓三處

明武宗承安間人舉母憂年六十哭盡
則武宗承安間人舉母憂年六十哭盡

新豐

補遺

明施敦永安所人事母篤孝母患目疾敦以舌
舐翳復明母年八十餘卒敦年六十哭泣盡
哀廬墓三載

李淨本平睦鄉人萬曆壬寅本父母雙亡葬五
峯山隻身廬墓有僧號太拙者憫其孤貧結
茅爲庵與居之後人因于五峯建五庵焉今
碑記尚存庵中

其家故館名譽昭著世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼
其後世世傳定靜直後麻繼

奏請志取事宜狀

唐韓愈

某曰臣會
使多不
使多不
使多不
使多不
使多不
使多不
使多不
使多不
使多不
使多不